

AT1-ის დაანგარიშების ფორმულა და OW-ს დაანგარიშებისა და შეკრების პირობები

სატენდერო დოკუმენტაციის 2.6.1 პუნქტის 2.6.1.1. და 2.6.1.2. ქვეპუნქტებით მოთხოვნილი დოკუმენტაციით გათვალისწინებული ინფორმაცია გამოიყენება პრეტენდენტის წლიური კუმულატიური შესაძლებლობების (პრეტენდენტის მიერ ერთდროულად ერთი, ან ერთზე მეტი ხელშეკრულებით გათვალისწინებული სამუშაოების შესრულების შესაძლებლობის), შემდგომში - AT1-ის დასადგენად.

AT1 არ უნდა იყოს ნულზე ნაკლები, ანუ $AT1 \geq 0$ რომლის შეფასება განხორციელდება შემდეგი ფორმულის გამოყენებით:

$$AT1 = AT2 - OW$$

სადაც:

$$AT1 \geq 0$$

AT2 - პრეტენდენტის 2015, 2016, 2017, 2018, 2019 წლების საშუალო წლიური ბრუნვა.

OW - მიმდინარე და მოსალოდნელი ხელშეკრულებების ფარგლებში შესასრულებელი ვალდებულებების ჯამური ღირებულება დანართი N4-ით გათვალისწინებული მოთხოვნების შესაბამისად.

OW-ს დაანგარიშებისას განხორციელდება პრეტენდენტის მიერ დანართ N4-ში წარმოდგენილი ინფორმაციის თანახმად მითითებული ყველა მიმდინარე და მოსალოდნელი ხელშეკრულებების ფარგლებში შესასრულებელი სამუშაოების ღირებულებების დაჯამება შემდეგი პრინციპით:

1. თუ მიმდინარე და მოსალოდნელი ხელშეკრულებების ფარგლებში სამუშაოების დასრულებისთვის გათვალისწინებული ვადა არ აღემატება 12 (თორმეტი) კალენდარულ თვეს, სრულად მოხდება მისაწოდებელი სამუშაოების ღირებულების გათვალისწინება;
2. თუ მიმდინარე და მოსალოდნელი ხელშეკრულებების ფარგლებში სამუშაოების დასრულებისთვის გათვალისწინებული ვადა აღემატება 12 კალენდარულ თვეს, განხორციელდება ერთ კალენდარულ წელში მისაწოდებელი სამუშაოების ღირებულების გათვალისწინება, რომლის დაანგარიშებაც განხორციელდება შემდეგი ფორმულით:

$$OW1 = \frac{E}{M} * 12$$

სადაც:

OW1 - ერთ კალენდარულ წელში მისაწოდებელი სამუშაოების ღირებულება;

E - მისაწოდებელი სამუშაოების ღირებულება;

M - მისაწოდებელი სამუშაოებისთვის დარჩენილი პერიოდი კალენდარულ თვეებში, რომელიც დაანგარიშდება პრეტენდენტის წინადადების შეფასების თარიღსა და დანართ N4-ში, პრეტენდენტის მიერ, „შესყიდვის ობიექტის მიწოდების დასრულების თარიღი“-ს სვეტში მითითებულ თარიღს შორის არსებული სახვაობით დაანგარიშებული კალენდარული დღეების 30 კალენდარულ დღეზე გაყოფით.

გასათვალისწინებელი გარემოება:

იმ შემთხვევაში, თუ პრეტენდენტის გამარჯვებულად გამოვლენამდე სატენდერო კომისიის მიერ დადგინდა, რომ პრეტენდენტს, ან ამხანაგობის რომელიმე წევრს (ამხანაგობის ელექტრონულ ტენდერში მონაწილეობის შემთხვევაში), მოსალოდნელი ხელშეკრულების ფარგლებში, შესაძლებელია დამატებით წარმოექმნას ისეთი ვალდებულება, რომლის გათვალისწინებასაც პრეტენდენტი ვერ უზრუნველყოფდა წინადადების წარდგენის თარიღისთვის (წინადადების წარდგენის ვადის დასრულების შემდეგ, პრეტენდენტის გამარჯვებულად გამოვლენამდე, პრეტენდენტი, ან ამხანაგობის ტენდერში მონაწილეობის შემთხვევაში, ამხანაგობის წევრი, რომელიმე შემსყიდველი ორგანიზაციის მიერ გამოვლენილი იქნა გამარჯვებულად, ან მოწვეული იქნა ხელშეკრულების გასაფორმებლად), სატენდერო კომისია OW-ს დაანგარიშებას უზრუნველყოფს სატენდერო დოკუმენტაციით გათვალისწინებული OW1-ის დაანგარიშების პრინციპით და დანართი N4-ის დაზუსტების გარეშე, თავად უზრუნველყოფს ახლადგამოვლენილი მოსალოდნელი ვალდებულებების დაჯამებას პრეტენდენტის მიერ წარმოდგენილ მიმდინარე ვალდებულებებთან.